



საქართველოს შრომის, ჯანმრთელობისა
და სოციალური დაცვის სამინისტრო
MINISTRY OF LABOUR, HEALTH AND SOCIAL
AFFAIRS OF GEORGIA



KA030189917595818

საქართველო, თბილისი 0119, აკ.წერეთლის გამზ.144; ტელ.: (+995 32) 251 00 11; ცხელი ხაზი: (+995 32) 251 00 26; 15 05; ელ.ფოსტა: info@moh.gov.ge
144 Ak.Tsereteli ave., 0119, Tbilisi, Georgia; Tel: (+995 32) 251 00 11; Hot line: (+995 32) 251 00 26; 15 05; E-mail: info@moh.gov.ge

№ 01/26918

08 / მაისი / 2018 წ.

ავსტრიის პოლიციის ატაშეს ოფისის
მეკავშირე ოფიცერს კარლჰაინც გორტანოს

ბატონო გორტანო,

თქვენი 2018 წლის 24 აპრილის N18MA109-GE-04 წერილის პასუხად, გაცნობებთ, რომ აღნიშნული წერილი გადაგზავნილი იქნა სამინისტროს ექიმ-ექსპერტთან, ნევროლოგ თენგიზ წულაძესთან, რომელმაც წარმოადგინა შესაბამისი ექსპერტული დასკვნა წერილში დასმულ საკითხთან დაკავშირებით (იხ.დანართი). დასკვნის შესაბამისად, საქართველოში ეპილეფსიისა და კონვულსიების მქონე პაციენტთა მკურნალობა ხორციელდება როგორც ამბულატორიულად, ასევე, სტაციონარულად და ძირითადად გამოიყენება შემდეგი სამკურნალო საშუალებები: ფენობარბიტალი, ვალპროატი, ლამოტრიჯინი, კაბამაზეპინი, ლევეტირაცეტამი, ტოპირამატი.

საქართველოს შრომის, ჯანმრთელობისა და სოციალური დაცვის სამინისტროს კომპეტენციის ფარგლებში დამატებით გაცნობებთ, რომ ზემოაღნიშნული თერაპიისა და სამკურნალო მედიკამენტების ღირებულების ანაზღაურება ჯანმრთელობის დაცვის სახელმწიფო პროგრამების ფარგლებში გათვალისწინებული არ არის.

ამასთან, იმ მომსახურების ხარჯების ანაზღაურება, რომლებიც არ იფარება სახელმწიფო პროგრამის ფარგლებში შესაძლებელია განხილული იქნას „რეფერალური მომსახურების“ ფარგლებში შესაბამისი სამედიცინო დახმარების გაწევის შესახებ გადაწყვეტილების მიღების მიზნით შექმნილი კომისიის მიერ. აღნიშნულ კომისიაზე განსახილველად განცხადებას თან უნდა ახლდეს: სამედიცინო დაწესებულების მიერ მიმდინარე წელს გაცემული ცნობა პაციენტის ჯანმრთელობის მდგომარეობის შესახებ (ფორმა № IV-100/ა); სამედიცინო დაწესებულების მიერ, ასევე მიმდინარე წელს გაცემული ანგარიშ-ფაქტურა და კალკულაცია(დედანი), ან მედიკამენტების მოთხოვნის შემთხვევაში სამედიცინო დაწესებულების(აფთიაქის) მიერ გაცემული ანგარიშ-ფაქტურა(დედანი) საჭირო მედიკამენტების თაობაზე; მამიებლის/წარმომადგენლის პირადობის დამადასტურებელი დოკუმენტის ასლი; სოციალური კატეგორიის (სოციალურად დაუცველი, დევნილი, შეზღუდული შესაძლებლობის სტატუსის მქონე პირი, პენსიონერი და სხვ) დამადასტურებელი მოწმობის ასლი (ასეთის არსებობის შემთხვევაში). კომისია, სათანადო მონაცემების ანალიზის შემდეგ, განიხილავს მამიებლისათვის დაფინანსების გაცემის შესაძლებლობას და განსაზღვრავს მის მიზანშეწონილობას.

აღსანიშნავია, რომ "რეფერალური მომსახურების ფარგლებში შესაბამისი სამედიცინო დახმარების გაწევის შესახებ გადაწყვეტილების მიღების მიზნით კომისიის შექმნისა და მისი საქმიანობის წესის განსაზღვრის შესახებ" საქართველოს მთავრობის 2010 წლის 3 ნოემბრის N 331 დადგენილების თანახმად, სამედიცინო დახმარების მოცულობა განისაზღვრება აღნიშნული კომისიის მიერ ინდივიდუალურ რეჟიმში წარმოდგენილი დოკუმენტაციის განხილვისა და ანალიზის შედეგად და განისაზღვრება მოთხოვნილი თანხის 30-დან 70%-მდე, კომისიის სხდომის ბიუჯეტისა და სამედიცინო ჩარევისთვის საჭირო თანხების მიხედვით, არაუმეტეს 10 000 ლარისა. კომისია ტარდება რეგულარულად, თვეში 2-ჯერ. ამასთან, კომისიის მიერ არ განიხილება შესრულებული სამუშაოსა და უკვე გადახდილი სამედიცინო მომსახურების დაფინანსების საკითხი.

რაც შეეხება ანტიკონვულსიური და ანტიეპილეფსიური პრეპარატების საქართველოში რეგისტრაციის საკითხს, რეგისტრირებულია ფარმაცევტული პროდუქტი სავაჭრო დასახელებით „pms-CLONAZEPAM“ (იხ. დანართი № 1). გარდა ამისა, რეგისტრირებულია კრუნჩხვების (კონვულსიების) სამკურნალო მედიკამენტები (იხ დანართი №2).

დამატებით გაცნობებთ, რომ საქართველოში რეგისტრირებული ფარმაცევტული პროდუქტების შესახებ ინფორმაცია განთავსებულია უწყებრივი რეესტრის ელექტრონულ მისამართზე: <http://pharmacy.moh.gov.ge/>.

პატივისცემით,

— — — — —

ადამიანური რესურსების მართვისა და
საერთაშორისო ურთიერთობების დეპარტამენტის
უფროსი, პირველადი სტრუქტურული
ერთეულის ხელმძღვანელის მოვალეობის
შემსრულებელი

ხ. ლომიძე

ნატო დოლიძე